

rum GAERTN. *de Fruct. et Sem. Plant.* I. p. 192. tab. 40. fig. 1. — *Nella jiedy* Teling. — Cum Varietate sequenti in Indiae orientalis montibus.

β *Var. cuneifolium* DE CAND.: foliis cuneatis subtus tomentosis. DE CAND. l. c. β. — *S. cuneifolium* ROXB.

427. Semecarpus heterophylla BL.: foliis oblongis v. cuneato-oblongis ovalibusve utrinque acutis v. obtusis v. apice rotundatis v. retusis coriaceis glabris; paniculâ terminali effusâ. — *S. Anacardium* BL. (haud LINN.!) *Bijdr.* p. 1156. — *Runghas s. Renghas* Sundaice. — A *S. Anacardio* LINN. foliis glabris, quorum venae minus numerosae minusque regulariter parallelae, diversa. Lignum materiem praebet neque a termitis corroditur. Succus glutinosus incidendo e cortice effluens valde causticus est et accedente aëre cito nigrescit. Fructus, si eduntur, tumorem erisipelatosum, exulcerationes valde dolentes atque alia symptomata periculosa efficiunt. — Arbor 30—40 ped., trunco satis crasso. Folia petiolis $\frac{1}{2}$ — $1\frac{1}{4}$ poll. longis insidentia, $3\frac{1}{2}$ —11 poll. longa, $1\frac{1}{2}$ — $3\frac{1}{2}$ poll. lata, rigidiuscula, margine undulata, supra nitida et saturate viridia, subtus glaucina, utroque latere circiter 8—15 venis transversalibus suboppositis arcuatis. Panicula mascula vulgo plus pedem longa, ramosissima, effusa, feminea ut plurimum brevior minusque ramosa; rhachi communi et ramificationibus striatis, puberulis. Flores albido-virentes v. albicantes; feminei multo majores, longius pedicellati. Torus fructuum cupulaeformis, depresso-hemisphaericus, margine obiter sulcatus, carnosus, eoccineus. Nux subrotunda, compressiuscula, in vertice mucronulo aliquantum excentrico, atrovirens, monosperma. — In sylvis montanis insularum Javæ, Sumatrae, ect.

β *Var. major*: foliis (majoribus, $\frac{1}{2}$ —1 ped., 3—5 poll. latis coriaceis) cuneato-oblongis v. ellipticis utrinque obtusiusculis v. ad apicem rotundatis. — In Sumatrâ.

γ *Var. angusta*: foliis (angustioribus, 6—9 poll., $1\frac{2}{3}$ — $2\frac{1}{4}$ poll. latis, chartaceis) cuneato-oblongis obtusiusculis v. ad apicem rotundatis. — In Javâ.

δ *Var. recurva*: foliis (angustioribus, 4—8 poll., 1—2 poll. latis, coriaceis, rigidis) oblongis v. oblongo-lanceolatis utrinque subacuminatis v. obtusis subfalcato-recurvis. — In Javâ.

428. Semecarpus Cassuvium SPR.: foliis oblongis utrinque acutis v. subacuminatis rarissime obtusis chartaceis glabris; paniculae elongatae ramis patentibus. SPR. *Syst. Veg.* I. p. 936. — *S. Anacardium a. angustifolium* DE CAND. *Prodr.* II. p. 62. — *Anacardium longifolium* LAM. *Enc. bot.* I. p. 140. — *Cassuvium Silvestre* RUMPH. *Herb. Amb.* I. p. 179 (ex parte!) tab. 70. — *Lewir* s. *Lewer* Bandanensium; *Lenat* s. *Linat* s. *Linata* aut *Rinat* Amboinensium; *Daun Sakko* v. *Kadju utan* Malaice. — Quae a V. CL. WIGHT *Icon.* 559 depicta est, Bandam incolit, quod genuinum *S. Cassuvium* SPR., venis lateralibus minus numerosis diversum. Videtur autem in Moluccis non haec sola Species crescere, in *Herb. Amb.*